

Hafiz Halily  
mahasiswa  
cemerlang  
serba boleh



Johan Pertandingan Dikir Barat IPT anjuran KPDNKK 2016.



Ketika bersama pasukan Amin Dancers, Kolej Aminuddin Baki UKM.

# Ibarat permata UKM

HIDAYAH HAIROM

Untuk mahasiswa lelaki berusia 25 tahun, secara luarannya mungkin tiada apa yang istimewa tentang anak kelahiran Negeri Sembilan ini.

Namun di sebalik senyuman manis dan sikap rendah dirinya, anak ke empat dari enam beradik ini sebenarnya mempunyai kelebihan yang jarang ada bagi mahasiswa seusianya.

Pemidato, pendebat, tukang karut dikir barat, penari, penyanyi koir, marhaban, nasyid, pengacara dan juga jurusolek sambilan.

Itulah anugerah yang dimiliki Muhammad Hafiz Halily Aisa, yang kini merupakan pelajar tahun akhir peringkat Sarjana Universiti Kebangsaan Malaysia (UKM).

Mengikuti pengajian separuh masa, Muhammad Hafiz juga kini juga bekerja sebagai wartawan di sebuah portal berita.

Bakatnya digilap sejak sekolah rendah lagi, bermula dengan pertandingan bercerita, budak lelaki yang sering dilabel 'banyak cakap' ini tidak lagi menoleh ke belakang mengemback potensi yang ada.

Lama kelamaan guru-guru melihat potensi saya dan mula memberi galakan setiap kali ada pertandingan pidato dan sebagainya.

"Apa yang saya lakukan, saya teruskan di peringkat sekolah menengah, tingkatan enam dan peringkat IPT. Ia sebagai satu kepuasan kerana saya buat apa yang saya minat," katanya.

Bakat yang dimiliki terus

dikembangkan apabila Hafiz mengambil pendekatan menapak kejayaan dalam bidang kebudayaan termasuk sebagai penari, penyanyi koir, kumpulan marhaban, nasyid serta dikir barat.

Mengakui minat bermula dibangku sekolah namun penglibatan aktiviti yang agak terhad menyebabkan dia hanya berpeluang bergiat aktif ketika sedang dalam pengajian ijazah.

"Satu perkara yang saya ambil sebagai cabaran apabila saya menyertai Tunas Warisan iaitu kumpulan Dikir Barat UKM, sebagai tukang karut.

"Bayangkan saya orang Negeri Sembilan perlu membuat persembahan dengan dialek Kelantan. Perkara mencabar bagi saya tapi alhamdulillah saya dapat laksanakan dengan baik sehingga mampu membawa nama UKM

mendapat tempat utama dalam beberapa pertandingan termasuk sebagai tukang karut terbaik," katanya.

Kejayaan penglibatan Hafiz secara aktif dalam setiap bidang yang diceburi nyata tidak menjadi penghalang untuknya melakar kejayaan dalam bidang akademik apabila tersenarai sebagai mahasiswa cemerlang sepanjang pengajian peringkat ijazah.

Hafiz turut menjelaskan, pembahagian masa yang baik menjadi tunjang kejayaan bagi dirinya selama ini.



Hafiz Halily bersama ibu bapa tercinta.



HAFIZ HALILY

## LATAR BELAKANG

Nama: Muhammad Hafiz Halily Bin Aisa.  
Umur: 25 tahun  
Asal: Negeri Sembilan  
Adik beradik: Anak ke-4 daripada 6 orang  
Status: Anak kepada seorang peneroka Felda (Felda Raja Alias 2)

### PENDIDIKAN

- SK Serting Felda (UPSR 5A)
- Sekolah Berasrama Penuh di SMS Tuanku Ja'afar, Kuala Pilah Negeri Sembilan (PMR 8A) dan (SPM 6A)
- Tingkatan 6 di SMK Batu Kikir (Model Khas) dan berjaya memperoleh Anugerah Pelajar Terbaik STPM 2012 (PNGK 3.77)
- Ijazah sarjana muda di UKM (Ijazah Sarjana Muda Sains Sosial Dengan Kepujian (Komunikasi Media). Menerima Anugerah Dekan dalam kesemua 6 semester pengajian dan menamatkan pengajian dengan Ijazah Kelas Pertama (3.77) serta PNGK terbaik bagi Program Komunikasi Media.
- 2016, menyambung pengajian di peringkat Sarjana dengan tajaan IPA dalam bidang Pengurusan Komunikasi dan sekarang berada di semester yang terakhir.

### JAWATAN DISANDANG SEMASA PENGAJIAN

- Majlis Eksekutif Pelajar Kolej Aminuddin Baki, UKM
- Timbalan Pengarah ABADI'15 Jawatankuasa Kelab Media dan komunikasi (MENTION)
- Ketua Pengarah Delegasi UKM, International School Exchange Programme 2016
- Felo Penasihat Kembara Warisan Seri Budaya 2.0, Sarawak
- Jawatankuasa Pelaksana Keusahawanan dan Industri Sukan SUKIPT 2018
- Felo Kebudayaan dan Warisan Kolej Aminuddin Baki, UKM (sehingga kini)
- *Speaker Big Ideas Training & Consultancy*

### PENCAPAIAN (UNIVERSITI)

- Johan Debat Piala Naib Canselor UKM 2013 (Anugerah Pendebat Harapan dan Anugerah Pendebat Terbaik Keseluruhan Liga)
- Johan Pidato Piala Pengerusi YPC 2015
- Finalis Sesi Pemilihan Wakil Malaysia, Pidato Antarabangsa Bahasa Melayu PABM 2015
- Finalist Pidato Integriti antara IPT 2015
- Pengacara UKM World Art Festival 2017
- Pengacara ASEAN Art Festival 2016
- Ketiga, Pertandingan Dikir Barat MAKUM 2016 (tukang karut)
- Johan, Pertandingan Dikir Barat KPDNKK antara IPT 2017 (tuk juara)
- Ketiga, tarian tradisional, Inter College Art Festival 2016 (ICAF)
- Anugerah Vokal terbaik (Dikir Barat), Anugerah Penggiat Seni UKM 2017